

# INUIT ATAQATIGIIT

## INATSISARTUNI



11. november 2009

Inatsisartut suleriaasianni § 36 imm. 1 naapertorlugu matumuuna imaattumik Naalakkersuisunut apeqquteqarpunga  
(Inatsisartuni ilaasortaq Hans Aronsen, Inuit Ataqatigiit):

### **Apeqqut:**

Tunisassiorfiit 2010-mut tunitsiviusussatut pilersaaruteqarfigineqanngitsut pil-lugit sumiiffinni najungaqartunut soqutiginnittunullu periarfissiissutigineqarsin-naanissaanik Naalakkersuisut pilersaaruteqarnerlutik ?

### **Tunngavilersuut:**

Ukioq januarimili aalisarnikkut ingerlatseqatigiiffiit Royal Greenland A/S-ip aamma Arctic Greenfood A/S-ip tunisassiorfiisa 2010-mi tunisassiornikkut imminnut akilersinnaanngitsutut pilersaarusiortigineqarsinnaanngitsutullu taama-nikkut Naalakkersuisunut Namminersornerullutillu Oqartussanut nalunaa-rutigineqarsimapput. Ajuusaarnarporli pisut tamakku qinersereernerup kingorna atsaat ersarissarneqarmata, naak naalakkersuinikkut pisussaaffiugaluartoq pisut pinerisa nalaanni tamakku tamanut saqqummiuneqartassasut. Tamatuma kinguneraa nunaqarfiit illoqarfiillu arlaqartut inuussutissarsiornikkut eqqorner-lunneqarnerat aalisartut tunitsivissaarummata sulisartullu suliffissaarutitinne-qarmata, naak piffissap ilaatigut innuttaasut tunisassiorfiit ingerlateqqissallugit soqutiginnillutik aamma saqqummertareeraluartut.

Tamanna tunngavingalungu tunisassiorfiit pineqartut innuttaasunit ingerlanne-qalerlutik aaqqissuussiffigineqarnissaannut Naalakkersuisut suliniuteqarner-sut pilersaaruteqarnerisullu paaserusuppara.

Kiisalu ilanngullugu kujataani Qaqortumi, Nanortalimmi aammalu tunumi Kuummiuni Arctic Prime Production A/S-ip tunitsiviit ingerlassimasai ilanngullugit Naalakkersuisunit qanoq pilersaaruteqarfigineqarnerisut paasisaqarfigerusuppak-ka.